

明

史

明文卷二百九十八

列傳一百四十九

桑喬

胡汝霖沈良才

伊敏生俞時

陳

策

鄭

芸

謝瑜

葉經

王

羣

童漢臣

周

怡

厲汝進

查東葵

徐養正

劉

起宗

劉

祿

徐學詩

沈

鍊

王

宗茂

楊繼盛

周

冕

桑喬字子承江都人嘉靖十一年進士十四年冬由

主事改御史出按山西時所部頻遭寇竄喬為奏清

得盡蠲徭賦厚恤死者家無何叅將葉宗等將萬人

至荊家莊陷賊伏中大潰賊遂深入天城陽和兩月

間五遣寇掠巡撫樊繼祖總兵官曹綱以下皆為喬
所劾於是剗將李懋及宗等六人並連治十六年夏
雷震謹身殿下詔求言喬偕同官陳三事畧言營造
兩宮山陵侵冒過甚如沙河行宮所司計費七百萬
金及令更穀斌為二百萬即此可知耗蝕之弊望聖
明嚴禁為國惜財方今吉囊恣橫而邊備積弛功罪
上聞皆不以實錢神得勢債帥秉權士卒內結怨毒
外逼侵凌安能復為國禦寇銷如故事歲遣才望大
臣行邊舉廢墜釐奸弊至于陛下遇災而懼下詔修
省臣謂修省不外人事人事無過擇官今之為尚書

者禮部嚴嵩工部林庭桐兵部張瓚倉場張雲皆上
負國恩下幸與望災變之來由彼所致宜速罷斥疏
奏四人皆乞罷詔庭桐雲致仕留嵩瓚如故嵩被
劾時再疏自辨且詆訐言者給事中綿州胡汝霖上
言先時大臣被論引罪求退而已是非付之廷議用
舍聽之至尊未有肆為剖訐者也嵩負職行以召物
議乃還辭奏辨名雖辭位實陰搆言官此風不杜無
以存大臣之體厲廉愧之節帝納其言下詔戒飭如
汝霖指當是時嵩拜尚書甫半歲方養交遊揚聲譽
為進取地舉朝猶未知其奸而嵩首發之後咸服焉

先見喬尋巡按畿輔遘疾請急都御史王廷相以規
避劾嵩修卻逮至詔獄廷杖戍九江居戍所二十六
年而卒隆慶初贈卹如制汝霖以進士改庶吉士除
戶科給事中九廟災偕同官薛靜御史李秉雲劾文
武大臣救火緩慢者大學士程鑾嚴嵩朔國公郭勳
等十三人其竟不入救者尚書張瓚樊繼祖都御史
王廷相等十三人請俱按治帝方以禍及宗廟心不
悅見疏怒所劾不盡執下詔獄訊治俱錮級調外汝
霖得太平府經歷汝霖既謫官則請解于嵩反附嵩
以祈進于是累逮至右僉都御史巡撫甘肅士論耻

之坐事降南京右通政及爲敗以黨奪官方爲之
爲禮部也繼喬而劾者御史謝瑜葉經給事中王華
既而御史伊敏生鄭芸陳策又合疏論其甫入閣也
六科給事中沈良才十三道御史俞時等劾之踰月
山西巡按御史童漢臣再踰月給事畢華同官陳埏
御史瑜瑜同官陳紹等爭上章論自是被劾不絕明
年六月吏部尚書許讚率其屬王與齡周欽策發嵩
私囑事是月給事中周怡劾之二十四年劾之者巡
按福建御史何維栢越二年合疏劾者給事中厲汝
進查秉彝徐養正劉起宗劉祿二十九年部中徐學

詩明年錦衣經歷沈鍊又明年南京御史王宗茂三十二年員外郎楊繼盛踰月主事周冕又踰月巡按雲南御史趙錦三十七年給事中吳時來主事張翀董傳策並發憤極言踰二年前中允郭希顏假建言以誅萬四十一年御史鄒應龍發其奸竊始罷後二年御史林潤再劾而萬削籍于世蕃棄市矣維栢錦時來翀傳策應龍潤別有傳今自喬以下並列于篇敏生上元人芸策俱莆田人三人並由進士為御史郭勛之敗也敏生等言萬黨附逆勛其京師居第乃勛私人孫漢出資營治漢既籍沒萬第應在籍中帝

恕奪休一級敏生累官山東參政萊州知府苦終
御史良才泰州人登進士改庶吉士歷吏科都給事
中嵩甫拜內閣令即率同官言嵩貪污奸諂屢經論
劾不宜畀以政柄失天下心時等亦言嵩險穢必亂
政帝皆不納良才積官至兵部侍郎三十二年大計
自陳已調南京矣忽于南京科道拾遺疏附批奪職
蓋嵩猶不忘前憾也時光山人由進士為御史官終
南京兵部侍郎

謝瑜字如卿上虞人嘉靖十一年進士歷南京御史
改北十七年武定侯郭勛疏陳時政極鉅大小諸臣

不足任諸復遣內侍鎮守詔報從之瑜抗章奏由
觀勛所論諸事類影響恍惚而復設鎮守則其本意
所注也勛交通內侍代之營求不過利他日重賄而
其毒害天下將有不勝言者臣請就其辭折之勛曰
天下官吏貪濁為民害由陛下無腹心耳目之人在
四方也又曰文武懷奸避事許內臣劾奏則奸貪自
息果若勛言則內臣用事莫如正德時其以正德為
太平極治耶陛下革鎮守內臣誠聖明善政而勛誠
為偏私不公何其敢于誣上耶夫在朝百官孰非天
子腹心耳目而勛誠為不足任是欲陛下盡疑天下

士大夫而獨倚宦官為腹心耳目也前代任宦官為
腹心耳目者無不覆亡其國臣不知勛視陛下為何
如主也會給事中朱隆禧亦以為言勛奏始寢十九
年禮部尚書嚴嵩屢以貪污為人抨擊嵩求去帝輒
慰留瑜言嵩矯飾浮詞欺罔君上箝制言官且援明
堂大禮南巡盛事為解而謂諸臣中無為陛下任事
者欲以激怒奸狀顯然帝留疏不下嵩奏辯且言
瑜擬陳言擊臣不已欲與朝廷爭勝帝于是切責瑜
而慰諭嵩甚至居二歲竟用嵩為相甫踰月瑜疏言
武廟時盤遊佚樂邊防宜壞而未甚壞今日聖明在

上邊防宜固而反大壞者則大臣謀國不忠而陛下
任用失也。自瓚為中樞掌兵而天下無兵擇將而天
下無將說者謂瓚形貌魁梧足稱福將夫誠遠慮不
聳海宇晏然謂之福可也。今瓚無功而恩厯屢加有
罪而號奪不及此其福乃一身之福非軍國之福也。
昔舜誅四凶萬世稱聖今瓚與郭勛胡守中嚴嵩聖
世之四凶也陛下旬月之間已誅其二天下翕然稱
聖何不并此二凶放之流之以全帝舜之功也。大學
士翟鑾起於廢棄之中授以巡邊之寄乃優游異行
糜費供億以盛苞苴者為才猷淫樂者為教遂使邊

軍益瘠邊徼更弛行遠若此將焉用之故不清政本
天下必不治也不易本兵武功必不競也疏入留不
下高復跪辨求罷帝更慰諭而瑜復被譙讓然是時
帝雖嚮高猶未深罪言者高亦以初得政未敢顯肆
擠陷故瑜得居職如故未幾假他事貶其官又三載
大計高密諷主者黜之此疏上令如貪酷例除名舉
朝大駭瑜遂廢棄終於家隆慶初復官贈太僕少卿
與瑜同縣同舉進士以劾高得禍者葉經字叔明除
常州推官擢御史高為禮部交城王府輔國將軍表
桺謀襲郡王爵秦府永壽王世子惟燬與嫡孫懷堪

爭襲皆以重賄遺焉。高受而許之。經聞即劾焉。高懼甚。亟彌縫于內。且疏辨。帝乃付襲爵事于廷議。而置焉不問。高由是憾經。又二年。經按山東。監鄉試。及試錄上。高見發策語多忤時。因指為誹謗。激帝怒。下禮部叅論。尚書張壁等阿旨言。今歲寇不南。犯實憚天威。乃不歸功君父。而以寇賊饜飽為詞。考試官教授周鏞等誠無所逃罪。經及提調布政陳儒等亦宜并治。高復密言于帝。試事蓋由御史。帝乃降旨言。此非第發策含譏也。論語首篇言懲體之。君德非至聖作聰明以配。舊章好自用而末任人語。尤狂悖經職司。

監臨事皆專任其與儒領等慝遠赴京既至繫詔獄
考掠獲廷杖經八十斤為民竟以創重卒儒及叅政
張臬副使譚懷滿恩皆謫遠方典史是獄也以文字
指摘杖死一御史重譴四監司褫奪考官九人朝野
為震動由嵩報復為之也于是天下莫不疾嵩矣穆
宗即位贈經光祿少卿任一子官

王暉字韜孟金壇人嘉靖十四年進士授吉安推官
召拜南京吏科給事中二十年秋偕同官上言今外
寇陸梁邊圉多警責在本兵而尚書張瓚久著貪婪
總督尚書樊繼祖具怯畏避新遷侍郎費家才又庸

下數人誠不堪重寄帝下其章于所司居兩月復劾
瓚及禮部尚書嚴嵩總督侍郎守中與巨奸郭勛
相結納公肆奸欺瓚減剋軍資分入私橐嵩所居第
宅則勛私人所代構也守中日造勛第乃至縱妻赴
飲顧近又劾勛冀以自掩乞均賜譴斥已而守中竟
獲罪明年八月帝命嵩入劄奏聞之太息語同列曰
此人當國必為宗社患吾曹幸併諫職其可默乎即
偕同官餘姚陳瓚御史上虞陳紹等劾嵩貪污狡猾
重以孽子世蕃納賄市權寔之政本必為國禍語極
愷切帝不省嵩憾甚時逢急驛驛軍儲匱絀羣欲為

久遠計建諸寬苑田科徵僑墾沿邊隙地者無問軍民即予爲業永勿徵賦貧者給以種具墾土既廣則邊來自足帝亟報可又明年大計與同官疏劾方面三十九人以久次出爲山東僉事常偕御史行部聞副使吳龍病入攝御史曰副使病危非畢往視不可即辭而行人多其義居四年給卹入都道病後期帝曰山東至京十日程耳今踰期且十月所司其評議之遂奪官時嵩方獨相竇陰主之也畢歸環堵蕭然數年卒瑾紹胥起進士後嵩修邵瑾竟被斥紹終韶州知府方嵩初柄政畢同年生御史錢塘童漢臣先

畢發其奸漢臣由魏縣知縣入為御史二十八年秋寇
大入宣府大同塞總督樊繼祖等不能禦使得氣去
繼祖掩其敗反三以捷聞漢臣與給事中龍遂言巡
按御史王連謙舉所奏與繼祖大異疑有欺蔽因劾
大同巡撫史道總兵官王陞縱賊狀帝命所司勘實
繼祖遂得罪明年出按山西俺答擁衆薄太原督諸
將王倫等擊却之聞嵩入內閣即馳疏論嵩貪淫凶
狡屢招物議委以國枋將貽宗社患弄言兵部尚書
張瓚有財悞國吏部尚書許讚臨事依違請俱罷斥
帝弗納嵩不勝憤思傾之明年值漢臣與巡撫李珣

穀上去年失事狀章下吏部請亦贖漢臣因言勸報
逮延宜并輸高遂擬旨錫珏一階留任而謫漢臣湖
廣布政司都事舉朝皆知為高所中然莫能拯也久
之為泉州知府倭寇薄城有保障功終江西副使
周怡字順之太平縣人為諸生時嘗曰以僕不避清
堅不忘可以稱士矣不數言偶也從學于王義鄒守
嘉登嘉靖十七年進士除順德推官舉卓異擢吏科
給事中二十一年疏言戶部尚書李如圭聞冗不職
受周府賕歲增祿米價至二萬四千餘兩兵部尚書
張瓚權用將帥率平時通賄私人寇大掠山西二十

七州縣高牧子女皆盡發厚賜傾卒戒勿言即中楊
博復為騰語士大夫間以懈衆心交相蔽欺尚書劉
天和素負物望但年垂暮暮不宜付之戎務帝頗納
其言天和致仕去如去還籍待勅惟留贊如故明年
疏劾湖廣巡撫陸杰輪荐屬員及舉境內賢才冗濫
過甚宜加切讓帝嘉納之未幾又劾工部尚書甘為
霖驕貪庸鄙採求尚書樊繼祖前督治鞏華城侵冒
鉅萬後總宣大軍務賊未嬰城不發一矢設降詐級
冒破帑金百萬亟宜行黜章上為霖繼祖引罪求去
詔留之時臨立朝僅一歲所惟繫率當事有勢力大

臣由是大臣多側目而怡嚴奮不顧思以諫諍死職
事會吏部尚書許讚許大學士程鑾嚴嵩私囑事帝
方鵬嵩反責讚而盡逐曹諸部王與齡等于是怡
上疏曰臣惟人臣事君以盡心體國為忠協力濟事
為和未有公卿大臣爭于朝文武大臣爭于邊而能
修內治禦外侮者也近大學士鑾嵩與尚書讚互相
讎訐而總兵官張鳳周尚文又與總制侍郎程鵬督
餉侍郎趙廷瑞交惡此最不祥之事誤國執甚焉今
陛下日事禱祠而四方之災祲未能銷也歲間輸銀
之例而府庫未能充也累頒蠲租之令而百姓未能

蘇也時下選將練士之命而邊境未能寧也內則財
貨匱而百役興外則寇敵橫而九邊虛耗為輔臣者
正宜同心輔政謀斷兼資乃今鑒高憑藉寵靈背公
營私播弄威福市恩酬怨共處內閣時有失色違言
入見至尊各懷私陳背詆是二臣已不和矣安望其
弼成至治哉輔臣真知人之賢不肖宜明告吏部進
之退之不宜挾勢徇私屬之進退吏部宜有貞心直
節使人望而知畏不敢以非義干不宜委阿以私權
臣請屬之端也今嵩威靈氣焰凌轡百司凡有陳奏
固不奔走其間先得其意指而後敢聞于陛下中外

之臣不畏陛下惟知畏嵩嵩已久矣鑒則澳謬委靡
氣勢猶弱鑽兩世吏部雖曰小心謹畏然不能以直
氣正色預銷權貴要求之心柔亦甚矣豈足當統鈞
之任哉夫直言敢諫之臣于權臣雖不利于朝廷則
大利也今御史謝瑜查漢臣以劾嵩故嵩皆假他事
罪之臣恐諫諍之臣自此籍口矣陛下之臣雖有構
杞羅堯誰復言之非國之福也今秋宣大已報警而
文武大臣各持意見平時且懷異同况于臨敵豈不
敗謀債事仰乞陛下乾斷戒輔臣毋務修怨以竊威
福戒吏部毋務依所以輕黜陟戒邊臣毋懷小忿以

悞封疆更望陛下虛心聽納先務和德于上大臣虛
已釋憾各務和讓于下人和業燕神之聽之終和且
平區區外侮有不足言矣帝覽疏固已不悅竊復從
而構之遂大怒曰怡言大臣不和甚當然其心本出
於訕謂朕日事禱祠不如先務和德朕事天禮神多
荷洪庥四方之廣豈能盡無水旱在有位者亦當勉
修職業為公家計寧得專咎朕耶且諸臣不和何至
今日方奏今對狀怡于是惶恐請罪帝怒不解杖之
闕下復錮于詔獄釋而再繫詔具楊爵傳陸慶元年
起放官未止擢太常少卿陳新政五事曰定君志畏

天命教大臣擇左右勤朝政語多刺中貴時近習方
集上宴遊由是忤旨出為登萊兵備僉事給事中岑
用賓為怡松不納明年改南京國子司業復召為太
常少卿未任卒天啓初追謚恭節

厲汝進字子修灤州人嘉靖十年進士授池州推官
徵拜吏科給事中湖廣巡撫陸杰居官無善舉以甄
陵王戚召為工部侍郎汝進言杰素犯清議不宜佐
司空并劾工部尚書甘為霖樊繼祖不職當罷不納
三遷至戶科都給事中戶部尚書王果之下獄也汝
進與同官海寧查秉彝馬平徐養正已縣劉起宗等

丘劉祿合疏言兩淮輸課之初副使張祿遣使亦都
廣通納結如太常少卿嚴世蕃府丞胡奎等皆承賂
受囑有証且言世蕃竊弄父權嗜賄張煥童牛之牯
宜禁其始詞連倉場尚書王暉嵩上疏自理且求援
于中官以激帝怒帝責其代果解釋命廷杖汝進八
十餘六十並謫雲南廣西典史汝進得亦佐縣明年
嵩復假考察奪其職隆慶初起故官未至京卒東葵
由黃州推官歷戶科左給事中數建白時事謫定遠
典史終順天府尹養正以庶吉士歷戶科右給事中
謫通海典史隆慶中積官至南京工部尚書起宗初

除衢州推官召為戶科給事中延綏府饑請帑金賑
救謫荔浦典史終遼東苑馬寺卿祿以行人擢戶科
給事中謫荔波典史自免歸四人皆進士

徐學詩字以書上虞人嘉靖二十三年進士授刑部
主事歷郎中二十九年俺荅薄京師既退詔廷臣陳
制敵之策諸臣多掇細事應詔學詩憤然曰太奸柄
國亂之本也烏有亂本不除而能攘外患哉即上疏
言臣聞外攘之併在于內治內治之要在于端本今
大學士高輔政十載奸貪異甚內結權貴外比羣小
文武遷除率邀厚賄致此革搭剋軍民釀成寇患國

事至此猶敢謬引佳兵不祥之說以諷清問近因都城有警密輸財賄南還大車數十乘樓船十餘艘水陸載道駭人耳目又納奪職總兵官李鳳鳴二十金使鎮荊州受老廢總兵官郭琮三千金使督漕運諸如此此難可悉數舉朝莫不歎憤而無有一人敢牴牾者誠以內外盤結上下比周積久勢成而其子世蕃又凶狡成性擅親父權凡諸司奏請必先白其父子然後敢聞于陛下陛下安得盡悉之乎蓋高權力足以假手下石機械足以先發制人勢利足以廣交自用文詞便給足以掩罪歸非而精悍學敏揣摩巧

中足以趨利避害彌縫缺失私交密惠令色脂言又
足以結人歡心符人口舌故前後輸蒿者蒿非不能
頸禍之于正言之時莫不假事托人陰中之遽除考
察之際如前給事中王華陳瓊御史謝瑜童漢臣輩
于時亦蒙寬宥而今皆安在哉陛下誠罷蒿父子別
簡忠良代之外患自無不寧矣帝覽奏頗感動方士
閻仲文密言蒿孤立盡忠學詩特為所私修隙耳帝
于是發怒下之詔獄蒿不自安求去帝優詔慰諭蒿
疏謝佯為世蕃乞回籍帝亦不許學詩竟削籍先是
劾蒿者葉經謝瑜陳紹興學詩皆同里時稱上虞四

陳隆慶初起學詩南京通政叅議未之官卒贈大理
少卿初學詩族兄應豐以善書擢中書舍人供事無
逸殿悉寓所為寓疑學詩疏出應豐指會考察屬吏
部斥之應豐詣仁和門辭特旨留用寓志益甚居數
年以謬寫科書譴于帝竟杖殺之

沈鍊字純甫會稽人嘉靖十七年進士除涇陽知縣
其治搏擊豪強衛赤子為急用仇倨忤御史調荏平
父憂去補清豐入為錦衣衛經歷鍊為人剛正嫉惡
如仇然頗疎枉每飲醉輒箕踞笑傲若無人錦衣
帥陸炳善遇之炳于嚴為父子交至深以故鍊亦數

從世蓄歛屢忤世蓄世蓄以酒虐客鍊心不平輒為
反之世蓄憚不敢較會俺答犯京師致書乞貢多嫺
語下廷臣博議司業趙貞吉請勿許廷臣無敢是貞
吉者獨鍊是之吏部尚書夏邦謨曰若何小吏鍊曰
錦衣經歷鍊也大臣不言故小吏言之鍊憤國無人
致寇猖狂既請以萬騎獲陵寢萬騎獲通州軍儲而
令勤王之師十餘萬人擊其情歸可大得志帝弗省
先是嵩貴幸用事邊臣爭致賄遺及失事懼罪並輦
金賄嵩賄日以重鍊時時搯腕一日從尚寶丞張遴
業飲酒半及嵩因慷慨罵言流涕文順遽上疏言昨

歲俺答犯順陛下奮揚神武欲乘時北伐此文武羣臣
所願戮力者也然制勝必先廟算廟算必先為天下
除奸邪然後外寇可平今大學士高拱婪之性疾入
膏肓惡鄙之心顧于鉄石當主憂臣辱之時不聞廷
訪賢豪咨詢方畧惟與于世蕃規圖自便忠謀則多
方沮之諛諂則曲意引之要賄需官沽恩結客朝廷
賞一人曰由我賞之罰一人曰由我罰之人皆伺廠
氏之愛惡而不知朝廷之恩威尚忌言哉姑舉其罪
之大者言之納將帥之賄以啓邊陲之釁一也受諸
王覬覦每事陰為之地二也攬吏部之權雖州縣小

吏亦皆貨取致官方大壞三也索撫按之歲例致有
司連相承奉而閭閻之財日削四也陰制鍊官俾不
敢直言五也妬賢嫉能一忤其意必致之死六也縱
予受財歛怨天下七也運財還家月無虛日致道途
驛騷八也久居政府擅寵害政九也不能協謀天討
上貽君父憂十也因并輪邦鑲錫鍊贖貨狀請均罷
斥以謝天下帝大怒榜之數十謫佃保安院至未有
館舍費人某詢知其得罪故徙家舍之里長老亦日
致薪米遺子弟就學鍊語以忠義大節皆大毒塞外
人素慙直又稔知萬惡爭害萬以快鍊鍊亦大喜日

相與署嵩父子為常且縛草為人象李林甫秦檜及
嵩醉則聚子弟撻射之或蹕騎至居庸關外南向戟
手雪嵩復痛哭乃歸語稍稍聞京師嵩大恨思有以
報鍊先是許論總督宣大常執良民冒功鍊遺書謂
讓後嵩黨楊順來為總督會俺答入寇破應州四十
餘堡懼罪欲上首功自解縱吏士遮殺避兵人遁于
論鍊遺書責之亦加切又作文祭死事者詞多刺順
順大怒密走私人白世蕃言鍊結死士繫刺習射意
已測世蕃大怒以屬巡按御史李鳳毛鳳毛謬為謝
曰有之已陰散其黨矣既而代鳳毛者路楷亦嵩黨

也將行世蕃屬以鍊事使與順合圖之許厚報兩人
日夜謀所以中鍊者會蔚州妖人閻浩等素以白蓮
教惑衆出入漠北泄邊情為患官軍捕獲之詞所連
及甚衆順喜謂楷曰是足以報嚴公子矣竄鍊名其
中誣浩等師事鍊聽其指揮具獄以上爲父子大喜
而前總督諭適長兵部竟覆如其奏斬鍊宣府市戍
子襄極遠而予順一子錦衣千戶楷待餘五品卿寺
時三十六年九月也順曰嚴公薄我賞意豈未愜乎
取鍊子袞襲杖殺之更移檄逮襄襄至掠訊方急會
順楷以他事被劾逮浩乃得免後嵩敗世蕃坐誅臨

刑時鍊所教保安子弟在太學者以一帛署鍊姓名
官將于其上持入市觀世蕃斷頭訖大呼曰沈公可
瞑日矣因慟哭而去隆慶初詔褒言事者贈鍊光祿
少卿任一子官襄乃上書言順楷殺人媚奸狀而給
事中魏時亮陳瓚相繼論列遂下順楷吏論死天啓
初議鍊忠愍

王宗茂字時育京山人父橋廣東布政使從父格太
僕卿宗茂登嘉靖二十六年進士授行人擢南京御
史時先後劾嚴嵩者皆得禍中外憚其威並符口宗
茂積不平甫拜官三月上疏曰嵩本邪諂之徒寡廉

鮮恥久持國柄作福作威薄海內外罔不怨恨如吏
兵二部每選請屬二十人人索賄數百金任自擇善
地致文武将吏盡出其門此爲負國之罪一也任私
人萬家爲考功部凡外官遷擢不察其行能不計其
資歷唯賄是聞致端方之士不得爲國家之用此爲
負國之罪二也往歲遭人論劾潛輸家資南返輦載
珍寶不可數計金銀人物多高二三尺者下至溺器
亦金銀爲之不知陛下宮中亦有此器否耶此爲負
國之罪三也廣市良田遍于江西數郡又于府第之
後積石爲大坎實以金銀珍玩爲子孫百世計而國

計民瘼一不措懷此萬負國之罪四也萬家奴五百
餘人往來京邸所至騷擾驛傳虐害居民長吏皆怨
怒而不敢言此萬負國之罪五也陛下所食大官之
饌不過數品而萬則窮極珍錯殊方異產莫不畢致
是九州萬國之待萬有甚于陛下也此萬負國之罪
六也往歲寇迫京畿正上下憂懼之日而萬貪肆益
甚致民俗歌謠遍于京師達于沙漠海內百姓莫不
祝天以冀其早亡萬尚恬不知止此萬負國之罪七
也募朝士為乾兒義子至三十餘輩若尹耕梁紹儒
則已敗露者也此輩實衣冠之盜而皆為之爪牙助

其虐焰致朝廷之恩威不出于陛下此嵩負國之罪
八也夫天下之所恃以為安者財也兵也不才之文
吏以賂而出其門則必剝民之財去百而求千去千
而求萬民奈何其不困也不才之武將以賂而出其
門則必剋軍之餉或缺伍而不補或踰期而不發兵
奈何其不疲也邇者四方地震其占為臣下專權試
問今日之專權者寧有出于嵩乎陛下之帑藏不
足支諸邊一年之費而嵩所蓄積可贖軍儲數年與
其開費官幣壽之令以助邊盡去此盡國害民之賊
籍其家以紓患也臣見數年以來凡輸嵩者不死于

廷杖則役于邊塞臣亦有身家寧不致惜而敢犯九重之怒嬰權相之鋒者誠念世受國恩不忍見祖宗之天下壞于賊蒿之手也疏至通政司趙文華密以示嵩留數日始上由是嵩得預為地遂以誣誣大臣誦平陽縣丞方宗茂上疏自謂必死及得貶怡然出都到官半歲以母憂歸嵩無以釋憾為奪其父楊官久之楊竟憤恹卒嵩罷相之月宗茂亦卒隆慶初贈光祿少卿

楊繼盛字仲芳容城人七歲失母庶母妬使與監牧牛繼盛經里塾觀里中兒誦書心好之歸謂兄請得

從塾師學兄曰若幼何學繼盛曰幼者任牧牛乃不
任學耶兄言予父聽之學然牧不廢也年十三始得
從師學家貧益自刻厲舉鄉試卒業國子監嘉靖二
十六年登進士授南京吏部主事從尚書韓邦奇遊
車思律呂之學手製十二律吹之聲畢和邦奇大喜
盡以所學授之由是繼盛名益著召改兵部員外郎
是時俺答滿京師威寧侯仇鸞以勤王故有寵帝拜
嵩為大將軍倚以辦寇而鸞中情實怯畏寇甚方請
開互市市馬莫與俺答構幸無戰鬪固恩寵繼盛以
為鸞取未雪而遽議和示弱大辱國乃奏言十不可

五繆大畧謂互市者和親別名也俺答蹂躪我陵寢
虔劓我赤子天下大讐也而先之和不可一往下詔
北伐天下曉然知聖意日夜征繕助兵食忽更之曰
和失信于天下不可二以堂堂中國與之互市冠履
倒置不可三海內豪傑爭磨礪待試一旦委置無用
異時欲號召誰復興起不可四使邊鎮將帥以和議
故美衣媮食弛懈兵事不可五往還卒私通境外吏
率裁禁今乃導之使與通不可六盜賊伏莽徒憚國
威不敢肆耳今知朝廷怯開睥睨之漸不可七俺答
往歲深入乘我無備故也併之一歲以互市終彼謂

國有人乎不可八或俺答負約不至至矣或陰謀伏
兵突入或今日市明日復寇或以下馬索上直不可
九歲出帑數十萬得馬數萬匹十年以後帑將不繼
不可十議者曰吾外為市以羈縻之而內修我甲兵
此一謬也夫寇欲無厭其以蒙終明甚苟內修武備
安事羈縻曰吾因市以益吾馬此二謬也夫和則不
戰馬將馬用且彼寧肯予我良馬哉曰市不已彼且
入貢此三謬也夫貢之費不貲是名美而實大損也
曰俺答利我市必無失信此四謬也吾之市能盡給
其衆乎能信不給者之無入掠乎曰佳兵不祥此五

謬也。敵加已而應之何佳也。人身四肢骨癰疽毒日
內攻而悼用藥石可乎。夫此十不可五。謬明顯易見。
蓋有為陛下主其事者。故公卿大夫知而莫為一言。
陛下宜奮獨斷。悉按諸言。互市者。發明詔。選將練兵。
不出十年。臣請為陛下竿淹荅之首于紫街。以示天
下。萬世疏入。帝頗心動。下驚及成國公朱希忠。大學
士嚴嵩。徐階。呂本。兵部尚書趙錦。侍郎薛豹。張時徹。
鐵鸞。攘臂言曰。監予目。不睹寇。宜其易之。諸大臣遂
言。遣官已行。勢難中止。帝尚猶豫。驚復進密疏。乃下
總盛詔。獄敗。扶道與史其地。雜番俗罕知。詩書徒盛。

簡子弟秀者百餘人聘三經師教之需所乘馬出婦
服裝市田資諸生番民信愛之呼曰楊父縣有煤山
番人制之不開民仰薪二百里外繼盛往召番人諭
之成服曰楊公即須我曹穹帳亦舍之况煤山耶已
而俺答數敗約入寇驚奸大寇疽發背死殺其屍帝
乃思繼盛言稍遷諸城知縣月餘調南京戶部主事
三日而遷刑部員外郎當是時肅清最用事恨驚凌
已心善繼盛首攻驚欲驟責之復改兵部武選司而
繼盛之惡焉甚于驚抵任一月遂草奏劾焉齋三日
乃上奏曰臣孤直罪臣蒙天地恩起擢不次夙夜祇

懼思所以報蓋未有急于誅賊臣者也方今外賊
惟俺答內賊惟嚴嵩未有內賊不去而可除外賊者
去年春雷久不聲占曰大臣專政冬日下有赤色占
曰下有叛臣又四方地震日月交食臣以為災皆嵩
所致請以嵩十大罪為陛下陳之高皇帝罷丞相設
立殿閣之臣俱顧問視制革而已嵩乃儼然以丞相
自居凡府部題覆先面白而後革奏百官請命奔走
直房如市無丞相名而有丞相權天下知有嵩不知
有陛下是壞祖宗之成法大罪一也陛下用一人嵩
曰我薦也斥一人曰此非我所親故罷之陛下省一

人當曰我赦也罰一人曰此得罪于我故報之伺陛下
下喜怒以恣威福群臣感嵩甚于感陛下畏嵩甚于
畏陛下是竊君上之大權大罪二也陛下有善政嵩
必令世蕃告人曰主上不及此我議而成之又以所
進揭帖刊刻行世名曰嘉靖疏議欲天下以陛下之
善盡歸于嵩是掩君上之治功大罪三也陛下令嵩
司票擬蓋其職也嵩何取而令于世蕃代擬又何取
而約諸義子趙文華輩群聚而代擬題疏方上天語
已傳如沈鍊劾嵩疏陛下以命呂本本即潛送世蕃
所令其擬上是嵩以臣而竊君之權世蕃復以予而

盜父之柄故京師有大丞相小丞相之謠是祗奸子
之僭竊大罪四也嚴效忠嚴鵠乳臭子耳未嘗一涉
行伍焉先令效忠冒兩廣功授錦衣所鎮撫矣效忠
以病告鵠襲兄職又冒瓊州功擢千戶以故總督歐
陽必進躡掌工部總兵官陳圭海統後府巡按黃如
桂亦驟亞太僕既藉私黨以官其子孫又因子孫以
拔其私黨是冒朝廷之軍功大罪五也逆鸞先已下
獄論罪賄世蕃三千金薦為大將鸞冒擒哈喇兒功
世蕃亦得增秩焉父子自誇能薦鸞矣及知陛下有
疑驚心復互相排抵以民前逆鸞勾賊而鸞世蕃復

勾黨是引背逆之姦臣大罪六也前俺答深入擊其
情歸此一大機也兵部尚書丁汝璈問計于嵩嵩戒
毋戰及汝璈逮治嵩復以論救結之汝璈臨死號呼
曰嵩悞我是誤國家之軍機大罪七也郎中徐學詩
劾嵩革任矣復欲斥其兄中書舍人應璩給事厲汝
進劾嵩謫典史矣復以考察諭吏部削其籍内外之
臣被中傷者何可勝計是專黜陟之大柄大罪八也
凡文武遷擢不論可否但銜金之多寡而畀之將弁
惟賄嵩不得不廢削士卒有司惟賄嵩不得不搭冠
百姓士卒失所百姓流離毒徧海内臣恐今日之患

不在境外而在域中是失天下之人心大罪九也自
高用事風俗大變賄賂者薦及盜跖跖杜者黜遠美
彝守法度者為迂滯巧彌縫者為才能勵節介者為
矯激善奔走者為練事自古風俗之壞未有甚于今
日者蓋萬好利天下皆尚貪萬好諛天下皆尚諂源
之弗潔流何以澄是敝天下之風俗大罪十也萬有
是十罪而又濟之以五奸知左右侍從之能察意旨
也厚賄結納凡陛下言動舉措莫不報萬是陛下之
左右皆賊萬之間諜也以通政司之主出納也用趙
文華為使凡有疏至先送萬觀竟然後入御王宗茂

刻嵩之章停五日乃上故嵩得展轉撫飾是陛下之
喉舌乃賊嵩之鷹犬也畏殿衛之緝訪也今于世蕃
結為婚姻陛下試詰嵩諸孫之婦皆誰氏乎是陛下
之爪牙皆賊嵩之爪嵩也畏科道之多言也進士非
其私屬不得預中書行人選推官知縣非通賄不得
預給事御史選既選之後入則杯酒結歡出則餽贐
相屬有所愛憎授之輪刺歷俸五六年無所建白即
擢京卿諸臣忌負國家不敢忤權臣是陛下之耳目
皆賊嵩之奴隸也科道雜入籠絡而部寺中或有如
徐夢時之輩亦可懼也又余子世蕃擇其有才望者

羅置門下凡有事欲行者先令報焉預為布置連絡
端結深根固蒂各部堂司大半皆其羽翼是陛下之
臣王皆賊黨之心膂也陛下奈何愛一賊臣而忍百
萬蒼生陷于塗炭哉至如大學士徐階蒙陛下特權
乃亦每事依違不敢持正亦不可不謂之負國也願
陛下聽臣之言察黨之奸或召問裕景二王或詢諸
閹臣重則置憲輕則勒致仕內賊既去外賊自除雖
俺答亦必畏陛下聖斷不戰而喪胆矣疏入帝已怒
竊見召問二王語善謂可指此為罪容構于帝帝益
大怒下繼盛詔獄詰何故引嘉王繼盛曰非二王誰

不憚高者獄上乃杖之百令刑部定罪侍郎王學並
爲黨也受高屬欲坐詐傳親王令旨律絞部中史朝
賓持之高怒誦之外于是尚書何鰲不敢違竟如高
指成獄然帝猶未欲殺之也繫三載有爲營救于高
者其黨胡植駢懋卿怵之曰公不覩養虎者耶將自
貽患高領之會都御史張經李天寵坐大辟高揣帝
意必殺二人比秋審因附懋威名并奏得報其妻張
氏伏闕上書言臣夫懋威誤聞市井之言尚祖書生
之見遂發狂論聖明不即加戮俾從吏議兩經奏繳
俱荷寬恩今忽聞入張經疏尾奉旨處決臣仰惟聖

德昆虫草木皆欲得所豈惜一迴宸顧下垂覆衾倘
以罪重必不可赦願卽斬臣妾首以代夫殊夫雖遠
樂魑魅必能為疆場效死以報君父萬屏不奏遂以
三十四年十月朔棄西市年四十臨刑賦詩曰浩氣
還太虛丹心照千古生平未報恩留作忠魂補天下
相與涕泣傳頌之初繼盛之將杖也或遺之蚺蛇胆
却之曰吾自有胆何蚺蛇為及入獄創甚夜半而蘇
碎菟絲手割腐肉肉盡筋挂膜復手截去獄卒執燈
頸欲墜繼盛意氣自如朝審時觀者塞衢見繼盛囊
三木至噴噴曰奈何不以囊為囊而囊若有注下者僕

七年嵩亦敗穆宗立鉅直隸諸臣以繼盛為首贈太常少卿謚忠愍予祭葬任一子官己又從御史却杰言建祠保定名旌忠

周冕資縣人嘉靖三十年進士授太常博士擢貴州道試御史重建太廟成奉安神主帝將遣官代祭御史駟憇卿言其不可帝怒降手詔數百言諭廷臣且言更有脅君取譽者必罪不宥奉朝懷息無敢復言冕獨抗章爭之帝震怒立下冕詔獄榜掠終以其言直釋還職是時太子生十一年矣猶未出閣講學冕極言諭教不可緩請早降綸音慎選侍從帝又大怒

誦雲南通海縣典史冕雖遠竄意慷慨無所屈數遷
至武選部中楊繼盛劾嚴嵩及嚴效忠冒功事語侵
歐陽必進必進奏辨章下兵部冕上言臣奉詔檢得
二十七年通政司狀效忠年十六因武會試未第咨兩
廣軍門聽用已而必進及總兵官陳圭奏黎賊平遠
效忠報捷授錦衣試所鎮撫未踰月嚴鵠言兄效忠
嘗斬首七級并切加賞應得署副千戶今效忠身抱
痼疾鵠請代職臣心疑其偽方將覈實以聞萬于世
蕃乃自創一稿付臣屬臣依違題覆臣觀其稿率誕
謬舛戾指得一一析之如敬事堂中武舉何初無本

籍起送文牒今又稱民人而不言武舉如效忠果鵠
之兄世蕃之子則世蕃數子俱幼未有名效忠者如
效忠果斬首七級則當時狀稱年止十六豈能赴戰
何軍門諸將俱未聞斬獲功獨宰相一孫乃號勇冠
三軍如曰效忠對敵脛臂受創計臨陣及差委相去
未一月何以萬里軍情即能馳報如曰效忠到京以
創甚疾故何以鵠代職之日止告不能受職如曰效
忠鎮撫當代則奏捷功止及身例無傳襲如曰效忠
功當并論例先奏請何止用通狀而通令司官奉行
臣悉心廉訪初未有名效忠者赴軍門聽用鵠亦非

效忠親弟其姓名乃詭設首級亦要買而非有纖毫
實蹟也必進既高鄉曲士又世蕃姻親依阿朋比共
為欺罔臣如不言陛下何從知其奸且自累朝以來
未聞有宰相之子孫送軍前報効者今高不惟咨送
軍門而且詭托姓名破壞祖宗之制彼蔣應奎唐國
相輩何怪其效尤耶臣職守攸關義不敢隱乞特賜
究正使天下曉然知朝廷有不可倖之功不可犯之
法臣雖得罪死無所恨疏奏五聲震朝廷高父子大
懼力事彌縫帝反責冕報復下詔獄考訊斥為民冕
得罪而尚書聶豹竟覆奏弗恤著指矣隆慶初錄先

朝直臣起冕太僕少卿遭母憂未任卒

論曰世宗猜厲多忌又惑志元修常恐外廷之議已也嚴嵩孤甥險嵩伺主意而又內結中涓外連戚寵相與彌縫左右之人主謂為愛我固結特深于是竊弄威權勢貪肆毒遂成薰灼之勢諸臣不畏鼎鑊爭發其奸至如徐學詩楊繼盛慷慨激烈聞者固不色變而世宗竟同輩賸魯莫之一省忠言一出刑戮隨加雖舉朝憤懣而不顧嵩之為術亦大狠矣哉當是時倭氛南寇蹂躪相尋天下殆岌岌矣嗣是以往先義日銷紀綱日隳隆萬而降遂淪胥以亡非無所

自也世猶謂世宗為中興之主豈其然乎豈其然乎

明史卷二百九十九

一

列傳一百五十

馬永

杭雄

王効

梁震

周尚文

趙國忠

馬

芳趙郭

奇劉

漢

胡

鎮孫

添賈

馬永字天錫遷安人嗣世職為金吾左衛指揮使永

生而魁岸號果有謀習兵法好左氏春秋正德時從

陸完擊賊有功進都指揮同知江彬練兵西內永常

隸彬稱疾避之十年守僻遵化明年寇入馬蘭峪叅

將陳乾被戕擢永代之又明年寇犯塞戰柏崖及白

羊峪皆有功十三年進都督僉事充總兵官鎮守薊

州盡汰諸營老弱聽其農賈取傭直以給健卒由是
永所將一軍獨雄于諸鎮武宗至喜峯口欲出塞永
叩馬諫帝注視久之笑而止中路探崖當敵衝然無
城堡耕牧者輒被掠永令人持一月糧營于崖表而
版築其內浹月城廨畢立乃遷軍守之錄功進署都
督同知是時江彬恣橫永部將嘗出燒荒致敗彬聞
要賄永懼貸二千金遺彬為門者所獲法當逮會世
宗踐阼巡按御史田美頌其賢請曲貸之兵部亦為
言乃得宥永不自安同求避位詔供職如故嘉靖元
年金小礦盜作亂遣指揮康雄討平之塞其礦明年

敗寇于界嶺口又明年朵蘭起兒孫結諸部邀賞不
得擁衆盜邊永迎擊洪山口而伏兵要害斷賊為二
賊大潰斬獲過當錄功進右都督已復入青山口賊
其驍將把兒孫自是不敢復擾邊大同兵變殺巡撫
張文錦朝議將撫之永上言逆賊于紀朝廷軫念邊
方赦其脅從恩至渥矣顧猶據城抗命及今不勦臣
恐春和北寇南牧叛卒勾連為禍愈大宜亟調隣鎮
勁兵赴期並發攻城之日曉譬利害懸破格之賞令
賊得自相斬為功元兇不難殄也廷議食是永言且
精承素有威望可屬大事乃命統督諸軍與侍郎胡

瓚提兵臨境會亂平乃還鎮五年上書為陸完請收
典且乞宥議禮獲罪諸臣帝大怒奪永官寄祿南京
後府巡按御史丘養浩言永仁以卹軍廉以律已慎
因邊防屢却強敵軍民安堵資彼長城今聞永去適
道乞留且搗持子女欲遂逃移臣日覩群情安能忍
默况陸完之死災瘡非有權勢可托永徒感國士之
知欲效區區之報亦足觀過知仁永不負知己寧負
國家祈由賜優容俾之還鎮不從順天巡撫劉澤御
史魏有本許鳳翔鄭洛書給事中解一貫沈漢陳守
愚鄭自璧等亦交章論救有奉坐外摘餘皆奪俸於

是吏部尚書廖紀上言臣見南京武備久弛嘗與樞
臣李鉞私議必得二三老成與司營務庶緩急可恃
近聞楊銳已調南京今永又繼往臣竊喜以為留京
武備從此得人方將草疏懇請而有本等遞爾噴奏
誠不達事宜但心實無他乞還有本職命永與銳俱
充坐營臣不勝至願帝納紀言即復有本官命銳與
營務而永竟廢不用永杜門讀書清約如寒士十年
用薦食書南京前府大同軍再亂廷臣交薦永召至
已就撫復還南京十四年遼東兵變罷總兵官劉維
以永代之十七年三月守大清堡指揮徐顥誘殺泰

率衛九人其酋把當孩怒擁衆寇邊永督兵擊斬之
其族屬把孫借兵朵顏入塞報讐復為永所却已而
寇復入犯中官王永欲迎戰巡撫劉漳止之不從官
軍果敗永坐戴罪遠東自軍變後首惡難誅漏網者
衆悍卒無所憚結黨叫呼動懷不逞明年旱饑廣寧
卒佟伏張鑑等四十餘人遂倡衆為亂諸營軍憚永
無應者伏等欲出城不獲乃群登譙樓鳴鼓大噪永
急率家衆盡力仰攻千戶張斌先登被殺永戰並力
盡職之事聞進左都督永私卒百餘人皆西北健兒
驍勇敢戰先是遠東變定帝聞將于李時時荐永且

曰其家衆足用也帝曰將須文武兼資寧專恃勇乎
時曰還土新定須有威力者鎮之至是竟得其力都
御史王廷相言永驍敢善用兵且廉潔無欲宜仍用
之薊鎮作京師藩屏未及調卒遼人為罷市喪過薊
州州人亦洒泣兩鎮並立祠

杭雄字世威世為綏德衛總旗雄承廕數先登破賊
積首功六遷至指揮使正德七年進署都督指揮僉
事勦賊四川尋守備西寧用吏部尚書楊一清薦擢
延綏遊擊將軍從都御史彭澤經略哈密十一年冬
偕副將安國破賊奇嵐進都督僉事改叅將尋擢都

督同知統邊兵操于西內武宗幸宣府大同雄危從
即拜大同總兵官嘉靖初汰傳奉官雄當降都指揮
使以方守遼命為署都督僉事鎮守如故小王子以
萬餘騎入沙河堡雄督兵與戰却之未幾賊復大入
雄不能禦自劾求罷不許二年移延綏其冬召還僉
署後軍都督府明年秋土魯番侵甘肅詔兵部尚書
金獻民視師以雄佩平虜大將軍印克總兵官提督
陝西延綏寧夏甘肅四鎮軍務前此列侯出征始佩
大將印無有授都督者至是特以命雄甫至賊已為
守臣所破雄等以捷聞帝賜衣千戶既班師復出鎮

平夏六年秋河套賊數萬騎入犯總督王憲檄雄及
陝西總兵官鄭卿分據要害而令都指揮卜雲伏兵
要其歸路賊至為雄等所破退至青羊嶺遇伏復大
敗凡斬首三百餘級進雄都督同知八年套賊八十
騎乘冰渡河侵犯平夏謀者悞以三千告雄及副總
兵趙鎮等亦率兵三千禦之賊盡伏其精騎而以老
弱來誘鋒始交即引退前鋒逐利陷伏中雄等見塵
起謂已敗賊麾兵直前遂敗雄等匿之為總督王瓊
所劾奪官閒住明年卒雄性強猛遇敵敢戰嘗以數
騎付遣賊膚至雄悉令下馬積鞍為壘跪而射之賊

退解衣腋中凝血墮乃知嘗中飛矢方酣戰竟不覺
也能同士卒甘苦不為驕奢武宗在大同見雄纓帷
敝甚曰老杭酸窮乃爾耶賊至帝將親擊雄叩馬諫
曰主人畜犬以併盜也盜至不吠且訖奚用犬為顧
聽臣等効力帝笑而止少給役延綏巡撫行臺既責
每至臺議事不敢正席坐曰此當年役所也苟敢忘
之其譴辱如此

王勅延綏人讀書能文辭嫻輜畧騎射絕人十武會
試嘉靖中累官都指揮僉事充延綏右叅將八年率
兵出神木塞持冠雙乃山斬獲多尋擢延綏副總兵

十一年冬進署都督僉事充總兵官代周尚文鎮寧
夏時尚書唐龍總制三邊明年言囊二千餘騎犯鎮
遠聞劾與副總兵梁震敗之都門追北至蜂窩山威
之于河賊多溺死斬首百四十有奇璽書獎賚又明
年言囊十萬騎窺花馬池劾震拒之不得入轉犯乾
溝震分兵邀擊遂趨固原總兵官劉文以軍師力戰
賊從長流水趨青山峴大掠安定會寧劾方擊敗賊
別部于鼠湖追至沙湖聞之疾移師往援破賊安定
再破之靈州先後斬首百五十餘級尚書龍以大捷
聞兵部王憲請勘實行賞而巡按御史奏諸將失事

罪詔遣給事中戚賢往勘還奏安會二縣殺掠殊慘
文非常論茅麾下卒僅八千人而能倍道蒙險嬰危
萬方張之寇將帥偏裨殊死血戰宜以功贖震乾濟
之戰劾鼠湖沙湖安定之戰及靈州之役以孤軍八
百當賊萬餘皆振揚國威功俱足錄并言龍善調度
得旨文奪職震劾賚銀幣而任龍一子入監是役也
功多以執政泥之故行賞薄御史周鈇以為言龍及
劾震各加一級劾進都督同知尋破賊清水營進右
都督十五年冬寇犯延綏不得志以輕騎六千犯寧
夏劾偵知之伏兵打鐵口俟其半入橫擊斷之寇大

潰奔渡河防河卒復以戰艘邀擊斬溺甚衆捷聞進
左都督既而寇憤臨河設伏以誘官軍効恃勇出輕
騎挑戰伏起軍敗士馬多傷坐奪一官仍為右都督
十六年移鎮宣府効雖武人而言行謹飾用兵兼謀
勇威名著西陲與馬永梁震周尚文並為一時名將
十七年卒帝嘉其功特謚武襄劉文慶陽衛人襲職
指揮同知累遷署都督僉事涼州右副總兵嘉靖八
年以總兵官鎮陝西明年大破洮岷叛番若龍板爾
諸族斬首三百六十有奇十一年寇西掠還將犯寧
夏河東文督軍擊破之積前功進都督同知既落職

居三年起鎮延綏尋改甘肅卒亦謚武襄

梁震其先新野人世榆林衛指揮使震嗣職嘉靖七年進署都指揮僉事協守寧夏與武營尋克延綏遊擊將軍廉勇好讀兵書善訓練士力挽彊命中每先登却敵十一年擢延綏副總兵明年與總兵官王勦却賊鎮遠關進都督僉事又明年二月吉囊俺答犯延綏震禦之黃甫川頗獲首功踰月又犯響水波羅泰將任傑設伏大敗之其秋吉囊復以十萬騎入寇震拒之花馬池寇遂由延綏乾溝擁入震伏兵邀擊大破之獲首功百餘先後被獎賚已復增俸一等乾溝

凡三十里當敵衝震濤使深廣築塙其上寇遂不敢
輕犯十四年進都督同知充陝西總兵官尋論黃甫
川功進右都督明年移鎮大同大同自五堡之役殺
巡撫張文錦已復殺總兵官李瑾而總理者魯綱威
令又不振兵益驕稍不如意輒瞋目攘臂思逞或訛
言相搖文武大吏每甘辭煦之不敢行要未廷議以
為憂移震往代震素蓄健兒五百人皆精騎射至則
令軍中曰我無爾凌爾無我叛王章軍令具在我不
敢私健兒輩又時時恐喝鎮兵鎮兵素憚震由是一
軍帖服十六年二月寇入犯震督兵破之牛心上獲

省功百餘寇憤駐近邊將伺隙以報時車駕祀山陵
震部分將士諸路按伏寇果以數千騎入掠震禦之
宣寧灣大破之斬獲如初又破之紅崖兒獲馬駝甲
仗甚衆錄功進左都督廕一子百戶震痛其父棟往
陳七疏辭廕子乞父祭葬帝嘉而許之十八年春毛
伯溫來督師與震協議修復鎮邊諸堡震身與士卒
同甘苦不數月工成其冬卒論功贈太子太保賜其
家銀幣加贈太保謚武壯震深沉有機畧號令明審
每用兵先計後戰前後與敵百十遇未嘗少挫其在
邊時時率健兒出塞劫賊營或議其啓釁震曰凡啓

蒙者謂賊不擾遠而戒橫挑邀功也今賊數深入諸
將曾不一挫之顧反為是言耶震沒健兒無所歸守
臣以聞令編之隊伍遠將猶顧得其力時代震者遠
東祝雄起家世歷歷都督金事自山西副總兵遷鎮
大同嘗失事被劾帝以雄素潔廉第令解職尋起鎮
薊州雄善撫士治軍嚴肅賊嘗入塞率子弟為士卒
先予少却行法不貸世宗常書其名于御屏為將三
十年自奉泊如每行遠布袍纒笠不異卒伍既竣遣
費僅供飲具薊人立祠祀焉

周尚文字彥章西安後衛人幼讀書粗曉大義多謀

畧精騎射年十六襲指揮同知屢出塞逐賊有功進
指揮使安化王真鑑反尚文率兵千人遏黃河渡口
獲叛賊丁廣等推掌衛事閤內曰賊四起倚南山為
固尚文次第削平御史劉天和劾中貴廖堂反繫詔
獄事連尚文亦坐繫考掠令誣引天和尚文終不承
久之始釋已守備階州以計禽殺叛酋四百五十餘
人奪馬羸八百餘匹進署都指揮僉事充甘肅遊擊
將軍嘉靖元年改寧夏叅將尋進都指揮同知為涼
州副總兵有御史按部莊浪猝遇賊伏尚文亟分軍
擁御史行而自引麾下禦賊射殺數人賊遁去四年

追賊至聞王濤既出塞賊來益衆尚文軍方半至麾下皆恐尚文從容下馬解鞍激厲將士背崖力戰所殺傷相當會部將丁果來援賊始退尚文被創甚乃告歸尋復起故官時河套賊數踏冰來寇尚文築塙百二十里澆以水輒成堅冰滑不可上冰泮則令力士持長竿鐵鈎伺渡口賊至即鈎殺之後人承守馬九年擢署都督僉事充寧夏總兵官總制王瓊議大築邊塙尚文督其役且濬渠開屯軍民利之十一年賊掠西海邊寧夏巡撫楊志學議發兵邀之尚文不從志學劾之有詔解職又五年起山西副總兵具秋

賊由偏頭關趨奇嵐尚文轉戰三百里破之與于君
佐俱被創事聞賚銀幣尋以總兵官鎮延綏十八年
秋寇犯紅山墩尚文力戰敗之再被賚己吉囊復寇
清平堡尚文赴援故迂道賊大掠去坐奪俸尚文雖
優將才而負氣桀傲不肯下人所至好與文吏競文
吏又往往恃勢挫折之以故彌不相得明年巡撫賈
啓勅尚文老諄乞與俱罷兵部以尚文廉能請調之
甘肅帝不從命各奪俸頃之巡按御史張光祖言兩
人隙已成必不可共處乃革尚文任啓亦貶秩其秋
吉囊大舉入寇直抵固原時天和為總督召尚文激

厲令禁賊立功尚文甚奮蓋既攻賊黑水苑苦戰久之吉囊子號小十王者怒突陣為官軍所殲寇遂奔北獲首功百三十餘級進都督同知二十一年用薦詔為東官廳聽征總兵官兼僉事後府事時嚴嵩為禮部尚書子世蕃任後府都事驕蹇無狀尚文面叱且將劾奏嵩亟謝得免調世蕃治中以避之嵩父子銜尚文次骨其秋以總兵官鎮大同疏請增餉及馬兵部言尚文陳請過當且每事自專不聞督撫非制被詔切責時尚文又與巡撫趙錦不協稱疾乞休詔弗允兩人構隙彌甚兵部尚書毛伯溫惜尚文才請降

詔責讓之而御史王三聘恐誤遠計乞移尚文他鎮
章下兵部都察院雜議言尚文素偏懷乃今益甚蓋
大同最賊衝將假此引避不宜墮其奸謀請移錦甘
肅而以甘肅巡撫廖榮代錦帝可之二十三年秋吉
囊以數萬騎犯前衛尚文與戰于黑山殺其子滿罕
歹賊却走追至涼城新獲多進右都督十月賊由宣
府通畿甸出大同塞而北尚文引軍邀之稍有俘獲
功罪得相五明年秋寇大舉犯鵠鵠谷將南下尚文
嚴兵偪陽和遣騎四出邀賊賊乃遁賜勅獎勞時總
督翁萬達議築邊牆自宣府西陽河至大同開山口

延袤二百餘里以尚文忠勳傳屬之尚文並築陽和
以西至山西了角山邊墻四百餘里為敵臺千餘斤
屯田四萬餘頃益軍萬三千餘人帝嘉其功進左都
督加太子太保永除屯稅叛人充灼召小王子寇邊
尚文偵伺得其使者論功加太保歷子錦衣世千戶
終明之世總兵官加三公者尚文一人而已先是俺
答及吉囊諸子盛強諸邊歲受其惠大同尤甚自尚
文蒞鎮與總督萬達巡撫榮祿力封疆規畫戰守甚
備以故邊民息肩可數年尚文又並招徠叛人以孤
賊勢歸者相屬以功受賞二十七年八月俺答入寇

攻五堡已伏兵堡旁而以少騎來誘指揮顧相等以
千騎迎之伏發被圍于弥陀山尚文急督副總兵林
椿泰將呂勇游擊李梅及二子君佐君仁出塞赴援
圍始解相及指揮周奉千戶呂愷郝經等已陣歿尚
文轉戰遂北次野口賊伏兵蘆葦溝突起尚文殊死
戰斬其酋一人賊大挫相持月餘賊不得志乃引去
尚文又伏兵歸路殺其殿卒而還先是尚文三子俱
坐罪遣戍至是以父功得釋明年二月俺答以數萬
騎犯宣府萬達顯調尚文禦之大破之曹家莊錄功
兼太子太傅賜賚有加其年卒官年七十五尚文清

約愛士得士死力善用間謀知賊中曲折故戰輒有
功自二十年後俺答頻擾邊而宿將如王勅馬永梁
震皆已前死惟尚文獨存威名最盛嚴嵩父子時謀
傾陷而尚文功高帝方藉以抗強敵故讒不得入暨
卒中于帝格恤典不予給事中沈束以為言嵩又激
帝怒錮束詔獄穆宗立始贈太傅謚武襄

趙國忠字伯進錦州衛人嗣指揮職嘉靖八年舉武
會試進都指揮僉事守備靈陽尋擢錦義右叅將二
十年寇再入犯國忠連破之增秩賜金幣二十二年
進署都督僉事為遼東總兵官寇犯開原國忠提兵

往禦寇敗走八月復分道入犯國忠率副將九聚等
禦之大戰移時寇潰復合官軍盡銳奮擊呼聲振山
谷寇大敗棄輜重走斬首百七十有奇捷聞帝大喜
進都督同知賜賚踰等明年寇憤前敗以八百騎從
鴉鵲關入掠都指揮康雲方醉遽出戰陷伏中敗沒
裨將佟勲趙奇王鎮往救亦死詔國忠戴罪辦賊長
勝堡屬夷百五十人竊朵顏馬迹匿指揮王勲孟儒
所令駐牧塙內已而寇犯邊勲等失利懼罪詐殺諸
夷以首功報國忠與巡撫董珊信而奏之為巡按御
史劉廷儀所劾坐奪職白衣視事未幾寇千餘騎夜

裴松子鎮守併張文翰出禦死之國忠遂坐解任尋
起西官廳右叅將授都督僉事提督東官廳二十八
年俺答大舉犯宣府朝議總兵官趙卿不任戰命國
忠馳往代之國忠至岔道賊已為周尚文所敗結營
東遁國忠急命叅將孫勇率精卒千人逆擊于大溝
沱敗之與尚文分道追擊賊狼狽夜遁以功受賚其
秋賊復掠萬全左衛東至沙嶺坐降俸二等明年秋
俺答薄京師國忠疾趨入衛壁沙河北已移營獲諸
陵賊騎長驅至天壽山見國忠列陣紅門前遂不敢
入三十一年再鎮遼東十月小王子打來孫以數萬

騎寇錦州殺掠千餘人國忠惠率諸將禦之始引去
明年賊入獅子口國忠督泰將李廣等逐之出塞斬
擒五十人先是錦州之役國忠坐停俸至是復之又
明年賊屢入榆林堡高臺蛤蚧河將士先後掩擊獲
首功百五十有奇進國忠秩一等尋為御史論罷國
忠勇敢善戰射穿札為將有威嚴更歷兩鎮所至繕
亭障練士馬邊防賴之

馬芳字德馨蔚州人十歲為北寇所掠使之牧芳私
以曲木為弓刻矢習射射日益工俺答將萬人獵虎
燒其前芳一發斃之衆驚日挽以良弓矢善馬使執

兵先後芳陽為之用而潛自間道亡歸時周尚文鎮大同奇之署為隊長數禦賊有功當得官以父居貧悉受賞代養嘉靖二十九年秋寇犯懷柔順義芳輕騎馳斬其將授陽和衛總旗又二年寇入威遠伏驍騎鹽場而以二十騎摩致師芳知其詐以百騎先薄伏所而三分其軍之銳以次合而圍賊賊辟易十里斬首九十級已獲樂之新平寇退野馬川甘山為營期來日戰芳料寇且遁急麾兵乘之寇大亂斬級踰千前衆方賀芳遽策馬曰芳至吳越守險而身斷後項之寇果屠至芳意氣有餘督戰並厲寇遂去亡

何復入犯殺于泥河大破之累遷指揮僉事三十二年敗寇于膳房堡又敗之朔州已又困賊登鷹巢堡戰于鴿子堂斬獲多明年進都指揮僉事充宣府遊擊將軍又明年春寇三犯龍門及萬全右衛芳與指揮張恒劉漢屢却之起遷都督僉事尋隸總督為叅將賊犯大同鎮山墩芳戰不利被圍得援乃解坐奪俸九月寇犯宣府南掠懷來保安還至東嶺芳以千餘人夜襲其營賊大驚奔遁錄防秋功再進二秩為右都督三十五年寇犯洗馬林芳追擊至孤山大獲進左都督賜蟒服偏裨加至左都督自芳始也明年

連到鎮利總兵分守建昌又明年十月土蠻十萬騎
薄界嶺口芳禦之賊分騎掠黑谷還趨界嶺芳與總
兵官歐陽安力戰斬首數十獲驍騎猛克克等六人
賊初不知芳在至是芳免胄示之賊驚曰馬太師也
遂却援聞廕世總旗未幾辛愛把都兒大舉入犯踰
遵化玉田諸縣芳追戰金山寺頗有新獲然州縣殘
破多總督王忬以下俱獲罪芳亦敗都督俞寧尋移
守宣府三十九年秋賊大入山西芳一日夜馳五百
里反之七戰皆捷斬首百十六明年九月賊數道入
犯芳邀之土木手斬三人追至軋莊合戰又敗之擒

其酋五合器等十四人獲為左都督俄就權總兵官
四十一年正月賊五千騎犯滴水崖掠陰慶永寧窺
公道芳督軍掩擊賊乃西攻張家堡芳又破走之錄
功進二秩其秋賊薄通州芳提兵入衛令需獲京師
賊退再進一秩未幾與故總兵劉漢出西路北沙灘
搗賊帳斬首百三十有奇四十四年坐賊入犯戴罪
防秋明年七月奉爰以十萬衆寇西路芳提兵迎入
馬蓮堡堡圯衆錯蹙之不可請登臺亦不可令開堡
四門偃息旗鼓寂若無人此暮野火連天驚呼達旦
芳引肱卧日方中不起賊騎窺者相屬莫測所為不

敢入明日芳蹶然起乘城指示衆曰彼軍多反顧是
且退于是勒兵追擊大破之隆慶元年七月賊以二
千騎入得勝堡芳遣游擊麻賁賈國忠分道按伏而
自率前鋒追之擒斬甚衆明年或為平愛謀以五萬
人犯蔚州致芳馳援更以五萬人襲登宣府城可以
得志芳偵知其謀豫伐木環城賊未城不可上遂解
去頃之芳率泰將劉澤等千餘人出獨石塞外二百
里襲擊賊帳于長水海敗之還至塞賊追及于鞍子
山芳等迎戰又敗之俘斬八十餘人廕于千戶初山
西總兵官申維岳等敗于石州維岳已伏誅而副將

白世威奏將劉寶論死繫獄至是芳乞寢廢予為二
將贖御史王沂劾芳恃功黨私無人臣禮降詔戒諭
芳有膽智諳敵情所至先士卒摧鋒陷堅一歲數出
師搗賊巢或躬自督戰或遣裨將又家畜健兒得其
死力嘗命三十人出塞四百里襲賊多有斬獲賊累
被擾大震芳乃出師至大松林頓舊輿和衛登高四
望耀兵而還三年春賊犯新河堡芳與舊將胡鎮等
督兵合擊追敗之大沙灘時大同被寇視宣府尤甚
賊嘗數萬騎入犯總督陳其學恐擾畿輔令總兵官
趙奇扼紫荆關賊縱掠懷仁山陰間而去奇坐敗三

秩明年遂調奇宣府而命芳移鎮大同代奇俺答兵
犯山西老營堡總兵官郭琥堅壁待之賊不敢逼遂
趨應朔諸州芳亦嚴兵為備賊乃西攻平虜城泰將
張剛懼厚遣賊令移兵犯威遠威遠幾破會其學率
胡鎮等兵來救芳軍亦至相拒十餘日乃遁芳謂諸
將曰大同非宣府比與我間一牆耳賊不時犯非大
創之不可于是將兵出右衛伺賊戰于威寧海子破
之其年俺答就撫塞上遂無事先是諸鎮皆以招徠
歸正人為功芳在宣府數被劾至是與奇琥受劾無
虛歲萬曆元年閏視侍郎吳百朋發芳行賄事兵部

以芳功多乞賜容貸詔勒芳閒住而以琥代之三年
起芳食舊前軍都督府六年順義王要賞聲言渝盟
復用芳鎮宣府明年以病乞歸又二年卒芳起行伍
十餘年為大帥大小百十戰身亦被十餘創時以少
取勝威名震邊陲為一時將帥冠二子棟林及棟子
燦林子燭皆官都督奇榆林人年十四持刀馳塞外
遇賊三人其一人扶奇奇奪其挺反撲之連斬三人
首以歸由是知名嗣指揮職積功進署都指揮僉事
以左副總兵協守大同嘉靖三十八年再遇罕愛之
衆于宣府有功進秩受賚又二年遷署都督僉事為

延綏總兵官四十四年賊陷黃甫川又犯鎮靜堡奇
見圍援至乃解坐充為事官署大同副總兵事隆慶
元年復鎮延綏賊入自蘆溝山又入常樂堡奇再敗
之明年移鎮大同居二年改宣府俺答索其孫把漢
使阜愛諸部分道入犯力拒却馬奇三臨大鎮輒督
將士搗巢又時遣部將分道徃多獲首功在延綏寄
出白崖墩襲賊獲其酋索羅台吉在大同巡邊至弘
賜堡大敗賊兵以故數被賚賚予千戶俺答既受封
朝議虞其反側嚴飭邊防奇大繕垣堡進都督同知
萬曆元年被劾奪官起食書前府政中府卒琥字宗

器永昌衛人自總旗積首功至指揮僉事為鎮番守
備城密邇賊境前守者率閉門琥甫至遇賊薄城奮
擊却之遂開城門縱人耕牧而日統兵以護軍民德
焉四十二年賊掠通州還諸將尾之不敢擊琥時以
署都指揮僉事充古北口叅將獨設伏鴿子洞待之
殺賊甚衆賊取他道去就擢副總兵乃繕治邊垣並
開塞下荒田六十餘頃得粟七千石進署都督僉事
代趙奇為延綏總兵官四十五年秋賊萬餘騎入寇
琥堅壁不敢出總督陳其學急遣將搗其巢一軍皆
沒賊大掠數日始出敗書聞琥坐貶一秩未幾賊復

犯固原總兵官郭江戰死定邊營被掠琥被劾戴罪
辦賊蔭慶敗元與賊戰小芹河追出塞遇伏失利相
當亡何復犯清平堡又犯康家砦俄又入榆林憫言
者謂琥不敵勁寇遂降副總兵調大同尋復為副鎮
總兵官旋改山西既代芳鎮大同以貢市功累進右
都督遣傳甚飭疆陲賴之十一年以老乞休帝嘉其
勞進都督致仕歲給役卒六人久之卒肯與琥才畧
不如芳然皆夙將知名琥潔廉好籌畫識軍進止日
不知書而以意作檄頗中情事云

劉漢大同人驍勇善戰嘉靖中起家指揮僉事積功

累官都指揮使充宣府北路叅將三十七年擢副總
兵協守宣府明年六月賊以數萬騎犯大同弘賜鎮
川諸堡九月又犯宣府洗馬林漢馳援有功俄進署
都督僉事充大同總兵官又明年三月賊聚喜峰口
將犯薊鎮漢乘其虛督兵自鎮河堡出塞搗賊帳于
灰河頗有新獲及秋又大破賊于豐州豐州在大同
右衛塞外由玉林舊城而北歷黑河二灰河一凡三
百餘里始至其地崇山環合水草甘美中國叛人丘
富趙全李自馨等居之號曰板升板升者華言城也
誘俺答入寇教以製鉤杆攻城堡之法中國大破其

害至是俺答引衆西掠且二年留部下千餘人於豐
州守其老幼賊不耐暑每夏輒徙帳大青山口外避
之而富等居板升如故漢于是謀之巡撫李文進及
故總兵俞大猷部分叅將王孟夏麻祿遊擊徐欽等
率銳卒三千裹糧疾馳直入其地而漢與副總兵趙
奇叅將孫吳鄭曉分兵三哨出營玉林隘應之孟夏
等昧其鼓噪奮擊禽斬百五十人焚其宮室獲馬駝
甲仗無算時富遁隨賊帳北徙金自營跳身遁皆獲
其弟自營毋切氏亦就執師還渡黑河追騎大至且
戮且行與大軍合賊乃還時邊兵積弱賊易之駐帳

近塞出沒無所忌諸將莫問至是漢始再挫之諸鎮亦遂往往乘間出搗賊賊始懼稍移其帳提聞帝大悅進漢都督同知廕予千戶未幾賊聚衆兵腰帶山謀入寇漢引兵南保應州賊遂潰墻由朔州南山西總兵官王懷邦不意賊遽至莫知為計乃棄馬千餘匹啖賊使緩行而急引兵趨太原去賊營五百里聲言繞出賊前實則避之賊遂散掠五臺崞縣而去事聞漢懷邦並落職尋以招徠叛人及奪還人畜功復漢都督僉事仍鎮大同四十年六月復出遣搗巢御史董崇劾漢輕率寡謀多損士馬奪俸戴罪視事九

月賊零騎出沒塞上漢達守備劉晉臣逐之被執復
為學所劾乃革任尋充為事官宣大立功又二年從
宣府總兵官馬芳却賊岔道增秩一等己而賊大舉
通通州漢率師馳援帝命尋獲陵寢錄功仍都督同
知蔭慶中卒

胡鎮由世職累官署都指揮僉事充薊鎮游擊將軍
有膂力知兵習戰陣嘉靖三十九年七月把都兒大
舉窺薊西鎮以銳卒五百出塞逆擊破其前鋒甫還
河坊口賊騎大至鎮率諸營敢死士拒戰于河外賊
乃分兵犯沙嶺燕子窩諸處游擊白允中等憑牆禦

之賊復轉掠河坊為鎮所遮擊卒不得入竟悉衆北
還帝聞大喜增鎮秩三等旋改泰將明年總兵官姜
應熊被圍于南溝墮馬鎮麾兵力戰奪之歸再增秩
二等尋擢宓雲副總兵為總督中軍四十二年以署
都督僉事遷山西總兵官未赴卒愛把都兒擁衆直
逼通州京師戒嚴鎮急偕薊州總兵官孫臚游擊趙
漆等帥師入衛逆擊于孤山相持累日賊見援師漸
集遂東掠順義三河分兵圍灤西諸將傅津等于鄭
官屯鎮等引兵救之甫至營壘未定賊移師圍之數
重臚漆力戰死鎮被數創會港擊楊繕等未救賊乃

開西壁縱鎮出大掠縣東諸縣而還遂加鎮都督同
知代贖為蘇州總兵官事定論功鎮第一復進左都
督明年正月土蠻黑石灰等以萬餘騎犯一片石黃
土嶺叅將白智文據牆力拒賊晝夜急攻不下鎮倂
巡撫溫景葵督游擊董一元等兵赴之協力固守賊
知有倂轉攻山海關亦不克乃遁錄功廕予錦衣百
戶久之病不視事撫按官劾其曠職并及貪黷事帝
念鎮前功令解任養疾隆慶改元命克為事官塞上
立功其秋却賊于靖虜堡三年春敗之新河口明年
俺答以索把漢那吉大舉入寇鎮又拒却之頻受賚

尋命典總督中軍以繕邊垣功優其舊秩萬曆初劾罷卒贖初為陝西總兵官被劾革任起神機營副將四十年出鎮薊州至是失守當罪以戰死免漆贈都督同知廕予世千戶立祠祀之

論曰兵家貴先發制人諸將寇至方戰僅求自完無敢挾一矢聞其藩者抑何疎也迨板升一擊敵人從帳嗣後出塞燒荒搗巢爭資以為利而邊威始振封貢之議乃起矣然如馬永以下諸人俱一時名將功効亦各有可紀故並錄之